

Član 31.**(Stupanje na snagu i objavljivanje Uredbe)**

Ova uredba stupa na snagu osmog dana od dana objavljivanja u "Službenim novinama Zeničko-dobojskog kantona" a primjenjuje se od 01.01.2025. godine.

Broj: 02-02-21438/24
Datum, 27.12.2024. godine
Zenica

P R E M I J E R**Nezir Pivić, s.r.****10.**

Na osnovu člana 16. stav (1) Zakona o Vladi Zeničko-dobojskog kantona-Prečišćeni tekst ("Službene novine Zeničko-dobojskog kantona", broj 7/10 i 3/23) i člana 18. stav (2) Zakona o dopunskim pravima branilaca i članova njihovih porodica ("Službene novine Zeničko-dobojskog kantona" broj 15/24), na prijedlog Ministarstva za boračka pitanja, Vlada Zeničko-dobojskog kantona, na 63. sjednici, održanoj dana 27.12.2024. godine, d o n o s i

U R E D B U**O DODJELI KREDITA ZA ZAPOSŁJAVANJE
BRANILACA I ČLANOVA NJIHOVIH PORODICA****DIO PRVI - OPĆE ODREDBE****Član 1.****(Predmet Uredbe)**

Ovom Uredbom utvrđuju se uvjeti, način i postupak ostvarivanja prava na dodjelu kreditnih sredstava u svrhu trajnog zapošljavanja branilaca i članova njihovih porodica, koji imaju prebivalište na području Zeničko-dobojskog kantona (u daljnjem tekstu: Kanton), kao i povratnika u entitet Republiku Srpsku koji ostvaruju osnovna prava iz branilačko-invalidske zaštite u gradovima/općinama Kantona i koji su na evidenciji nadležnog organa za vojne evidencije u gradovima/općinama Kantona.

Član 2.**(Korisnici prava)**

Korisnici prava po ovoj Uredbi su:

- a) dobitnik ratnog priznanja i odlikovanja;
- b) ratni vojni invalid;

- c) demobilizirani branilac koji je u periodu od 06.04.1992. do 23.12.1995.godine u sastavu Oružanih snaga proveo najmanje 24 mjeseca odnosno 12 mjeseci, ukoliko je u Oružane snage pristupio kao maloljetno lice ili šest mjeseci po punoljetstvu;
- d) član porodice šehida, poginulih, umrlih i nestalih branilaca-korisnik porodične invalidnine;
- e) član porodice umrlog dobitnika ratnog priznanja i odlikovanja-korisnik mjesečnog novčanog dodatka;
- f) član porodice umrlog ratnog vojnog invalida-korisnik porodične invalidnine i
- g) član porodice umrlog demobiliziranog branioca koji je u periodu od 06.04.1992. do 23.12.1995.godine u sastavu Oružanih snaga proveo najmanje 24 mjeseca odnosno 12 mjeseci, ukoliko je u Oružane snage pristupio kao maloljetno lice ili šest mjeseci po punoljetstvu – supružnik (koji je sa istim živio u braku najmanje dvije posljednje godine prije smrti, i da nije stupio u brak ili vanbračnu zajednicu) i dijete dok je na redovnom školovanju.

Član 3.**(Posebni korisnici)**

Prava po ovoj Uredbi kao poseban korisnik može ostvariti:

- a) dijete šehida, poginulog, umrlog i nestalog branioca nakon prestanka prava na porodičnu invalidninu i dijete umrlog dobitnika ratnog priznanja ili odlikovanja, kojem je prestalo pravo na mjesečni novčani dodatak;
- b) dijete umrlog ratnog vojnog invalida do navršene 35. godine života;
- c) dijete umrlog demobiliziranog branioca, koji je u periodu od 06.04.1992. do 23.12.1995.godine u sastavu Oružanih snaga proveo najmanje 24 mjeseca odnosno 12 mjeseci, ukoliko je u Oružane snage pristupio kao maloljetno lice ili šest mjeseci po punoljetstvu, do navršenih 35 godina života;
- d) dijete dobitnika ratnog priznanja i odlikovanja do navršenih 30 godina života;
- e) dijete ratnog vojnog invalida do navršenih 30 godina života i
- f) dijete demobiliziranog branioca, koji je u periodu od 06.04.1992. do 23.12.1995.godine u sastavu Oružanih snaga proveo najmanje 24 mjeseca odnosno 12 mjeseci, ukoliko je u Oružane snage pristupio kao maloljetno lice ili šest mjeseci po punoljetstvu, do navršenih 30 godine života.

Član 4.
(Posebni uslovi)

Pravo na dodjelu kreditnih sredstava, lica iz člana 2. i 3. ove Uredbe mogu ostvariti pod uslovom da:

- a) imaju prebivalište na području Kantona u trajanju od najmanje dvije godine neprekidno, osim povratnika u entitet Republiku Srpsku;
- b) nisu u radnom odnosu;
- c) oni i članovi njihovog porodičnog domaćinstva nisu vlasnici ili suvlasnici subjekta koji obavlja privrednu ili drugu djelatnost, registriranog kao pravno ili fizičko lice;
- d) nisu korisnici kredita za zapošljavanje ostvarenog po drugom osnovu iz sredstava budžeta Kantona;
- e) nisu korisnici kredita i drugih sredstava za podsticaj zapošljavanja ostvarenog putem Službe za zapošljavanje Zeničko-dobojskog kantona.

Član 5.
(Dokazivanje statusa)

U postupku ostvarivanja prava, branioci i članovi njihovih porodica svoj status dokazuju rješenjem nadležne gradske/općinske službe o priznavanju svojstva dobitnika ratnog priznanja i odlikovanja i ratnog vojnog invalida, odnosno člana porodice šehida, poginulog, umrlog, nestalog branioca i člana uže porodice poginulog, umrlog ili nestalog dobitnika ratnog priznanja i odlikovanja, ili uvjerenjem nadležnog organa izdatog u skladu sa Zakonom o upravnom postupku ("Službene novine F BiH" broj 2/98, 48/99 i 61/22), a demobilizirani branioci uvjerenjem VFMB-3a izdatog od strane nadležne Grupe za pitanja evidencija iz oblasti vojne obaveze.

Član 6.
(Visina kredita)

Kreditna sredstva po ovoj Uredbi se mogu odobriti u maksimalnom iznosu do 30.000,00 KM.

Član 7.
(Uslovi dodjele kredita)

Kredit se dodjeljuje pod slijedećim uvjetima:

- a) rok otplate do 10 godina;
- b) grace period do 24 mjeseca;
- c) kamatna stopa 3% godišnje;
- d) zatezna kamata 3% godišnje i
- e) instrumente osiguranja vraćanja kredita određuje izabrana banka, u skladu sa pravilima struke.

Član 8.
(Ponovna dodjela kredita)

- (1) Branioci i članovi njihovih porodica mogu samo jednom koristiti sredstva iz ove kreditne linije.
- (2) Izuzetno od odredbi stava (1) ovog člana, kreditna sredstva mogu biti odobrena i drugi put braniocima i članovima njihovih porodica koji su uredno i u roku izvršili obaveze i povrat sredstava iz prethodno odobrenog kredita i pod uvjetom da će sredstva po novom kreditu upotrijebiti za zapošljavanje nezaposlenih branilaca i članova njihovih porodica iz člana 2. i 3. ove Uredbe.

DIO DRUGI - POSTUPAK DODJELE KREDITA

Član 9.
(Podnošenje zahtjeva)

- (1) Pravo na dodjelu kredita po ovoj Uredbi može se ostvariti podnošenjem zahtjeva gradskoj/općinskoj službi nadležnoj za poslove branilačko-invalidske zaštite u gradu/općini u kojoj podnosilac zahtjeva ima prebivalište, odnosno u kojoj ostvaruje prava iz branilačko-invalidske zaštite (u daljnjem tekstu: gradska/općinska služba) ili u kojoj se nalazi na evidenciji nadležnog organa za vojne poslove.
- (2) Zahtjev iz stava (1) ovog člana podnosi se na posebnom obrascu kojeg propisuje ministar Ministarstva za boračka pitanja Zeničko-dobojskog kantona (u daljnjem tekstu: Ministarstvo) u roku od sedam dana od dana stupanja na snagu ove Uredbe.

Član 10.
(Potrebna dokumentacija)

Uz zahtjev za dodjelu kredita kandidati prilažu u originalu ili ovjerenoj kopiji sljedeću dokumentaciju:

- a) dokaz o statusu branioca i člana porodice branioca;
- b) uvjerenje o kretanju (kao dokaz o prebivalištu);
- c) uvjerenje Službe za zapošljavanje o statusu nezaposlenog lica;
- d) investicioni program za obavljanje djelatnosti - biznis plan;
- e) dokaz o riješenim imovinsko-pravnim odnosima za zemljište i ostale nekretnine koje u realizaciji programa namjeravaju koristiti i
- f) uvjerenje Porezne uprave o izmirenim poreskim obavezama.

Član 11.**(Postupak po zahtjevu)**

U postupku po zahtjevu gradska/općinska služba je dužna u roku od 15 dana:

- a) utvrditi kompletnost podnesene dokumentacije i zahtijevati otklanjanje uočenih nedostataka i eventualnu dopunu dokumentacije;
- b) u slučaju potrebe izvršiti neposredan uviđaj u stvarima iz zahtjeva i
- c) sačiniti prijedlog o odobravanju ili neodobravanju kredita i isti sa kompletnom dokumentacijom dostaviti Ministarstvu.

Član 12.**(Komisija)**

(1) Podnesene zahtjeve za dodjelu kreditnih sredstava po ovoj Uredbi razmatra komisija Ministarstva za dodjelu kredita (u daljnjem tekstu: Komisija), koju rješenjem imenuje ministar Ministarstva u roku od sedam dana od stupanja na snagu ove Uredbe.

(2) O radu Komisije vodi se zapisnik.

(3) Zadatak Komisije je da po svakom podnesenom zahtjevu:

- a) razmotri podnesenu dokumentaciju;
- b) u slučaju potrebe izvrši neposredan uviđaj u stvarima iz zahtjeva;
- c) izvrši ocjenu realnosti i ostvarivosti ponuđenog programa i
- d) sačini obrazloženi prijedlog o odobravanju podnesenog zahtjeva za dodjelu kredita ili odbijanju kredita i isti dostavi ministru Ministarstva.

(4) Na zahtjev Komisije kandidati su dužni dostaviti na uvid i drugu dokumentaciju od značaja za donošenje odluke o dodjeli kredita.

Član 13.**(Lista prvenstva)**

U slučaju većeg broja prijedloga za odobravanje kredita, Komisija će sačiniti listu prioriteta na osnovu procjene kvaliteta ponuđenog investicionog programa.

Član 14.**(Dostavljanje obavijesti)**

Ministarstvo dostavlja gradskim/općinskim službama obavijest o stavu po zaprimljenim prijedlozima, uz povrat kompletne dokumentacije.

Član 15.**(Izdavanje rješenja)**

- (1) Na osnovu dostavljene obavijesti Ministarstva, gradska/općinska služba donosi rješenje o odobravanju kredita, odbijanju ili odbacivanju zahtjeva.
- (2) O žalbi na rješenje gradske/općinske službe rješava Ministarstvo.

Član 16.**(Donošenje odluke)**

- (1) Po pravomoćnosti rješenja prvostepeni organ isto dostavlja Ministarstvu koje u roku od 10 dana donosi odluku o odobravanju kredita.
- (2) Ministarstvo odluku iz stava (1) ovog člana dostavlja izabranoj banci i prvostepenom organu koji će istu dostaviti korisniku.

Član 17.**(Stavljanje odluke van snage)**

- (1) Banka se obavezuje da nakon realizacije kredita, obavijesti Ministarstvo o istom.
- (2) Ukoliko banka obavijesti Ministarstvo da nije došlo do realizacije odluke iz člana 15. stav (1) ove Uredbe, Ministarstvo istu stavlja van snage, o čemu obavještava prvostepeni organ.

Član 18.**(Realizacija kredita)**

- (1) Krediti se realizuju putem banke, sa kojom ugovor zaključuje ministar Ministarstva.
- (2) Ugovorom iz stava (1) ovog člana utvrdit će se obaveza banke o dostavljanju Ministarstvu mjesečnih izvještaja o odobrenim i realiziranim kreditima.

Član 19.**(Reprogram kredita)**

- (1) U slučajevima kada korisnik kredita zbog opravdanih razloga nije u mogućnosti vršiti redovnu otplatu kredita, može se odobriti reprogramiranje postojećeg kredita.
- (2) Reprogram kredita može biti odobren jednom u periodu trajanja kreditnog odnosa, na period od najduže osam godina.
- (3) Zahtjev za reprogram kredita korisnik podnosi Ministarstvu, sa dokazima iz kojih su vidljivi razlozi nemogućnosti redovnog sevisiranja kreditnih obaveza.

(4) Na prijedlog Komisije, odluku o odobravanju reprogramiranja kredita donosi ministar Ministarstva.

(5) Odluka iz stava (4) ovog člana dostavlja se na realizaciju izabranom banci.

Član 20.
(Otpis kredita)

U opravdanim slučajevima kada korisnik kredita ili njegov nasljednik nije u mogućnosti da redovno servisira vraćanje kredita (smrt ili teško oboljenje korisnika kredita, uništenje imovine usljed više sile i u drugim vanrednim situacijama kada nije moguće naplatiti kredit a da se korisnik ne dovede u izuzetno tešku egzistencijalnu situaciju), kao i u slučajevima kada izabrana banka obavijesti Ministarstvo o nemogućnosti naplate potraživanja, Vlada Kantona, na prijedlog ministra Ministarstva, može donijeti zaključak o djelomičnom ili otpisu u cjelini ostatka duga po kreditu.

Član 21.
(Obavještavanje Službe za zapošljavanje)

Po isteku grace perioda predviđenog ovom Uredbom, Ministarstvo dostavlja obavijest Službi za zapošljavanje o korisnicima kredita, u cilju njihovog brisanja sa evidencije nezaposlenih lica.

DIO TREĆI - ZAVRŠNE ODREDBE

Član 22.
(Sredstva za ostvarivanje prava)

Sredstva za dodjelu kredita za zapošljavanje branilaca i članova njihovih porodica osiguravaju se u Budžetu Kantona u skladu sa prilivima sredstava.

Član 23.
(Evidencija i obrasci)

Elektronsku evidenciju o podnesenim zahtjevima i korisnicima prava po ovoj Uredbi vode gradske/općinske službe i Ministarstvo, po posebnim obrascima koje propisuje ministar Ministarstva u roku od sedam dana od dana stupanja na snagu ove Uredbe.

Član 24.
(Instrukcije i nadzor)

(1) U realizaciji ove Uredbe ministar Ministarstva može donijeti odgovarajuća uputstva i instrukcije.

(2) Nadzor nad provođenjem ove Uredbe ima Ministarstvo.

Član 25.
(Ravnopravnost spolova)

Sve imenice koje se odnose na bratioce i članove njihovih porodica, upotrijebljene u ovoj Uredbi samo u muškom ili samo u ženskom rodu, odnose se na oba spola.

Član 26.
(Primjena odredbi)

Odredbe člana 19. i 20. ove Uredbe primjenjuju se i na dospjele a neizvršene kreditne obaveze po osnovu kredita namijenjenih zapošljavanju branilaca i članova njihovih porodica, dodijeljnih od strane Ministarstva prije primjene ove uredbe.

Član 27.
(Stavljanje Uredbe van snage)

Danom početka primjene ove Uredbe prestaje važiti Uredba o dodjeli kredita za zapošljavanje branilaca i članova njihovih porodica ("Službene novine Zeničko-dobojskog kantona" broj: 4/14 i 15/21).

Član 28.
(Stupanje na snagu i objavljivanje Uredbe)

Ova Uredba stupa na snagu osmog dana od dana objavljivanja u "Službenim novinama Zeničko-dobojskog kantona", a primjenjuje se od 01.01.2025. godine.

Broj: 02-02-21449/24
Datum, 27.12.2024. godine
Zenica

P R E M I J E R
Nezir Pivić, s.r.

11.

Na osnovu člana 16. stav (1) Zakona o Vladi Zeničko-dobojskog kantona-Prečišćeni tekst ("Službene novine Zeničko-dobojskog kantona", broj 7/10 i 3/23) i člana 41. stav (3) Zakona o dopunskim pravima branilaca i članova njihovih porodica ("Službene novine Zeničko-dobojskog kantona" broj 15/24), na prijedlog Ministarstva za boračka pitanja, Vlada Zeničko-dobojskog kantona, na 63. sjednici, održanoj dana 27.12.2024. godine, d o n o s i